

撫州府志卷之二十三

人物傳 武節

劉玉瓚曰天下事變無常豪傑惟人自命大之以衛社稷小之以固里閭故武夫干城未嘗不矜慎許也昭武文而脆然六邑風氣似亦有南北之殊顧其人則不可泯矣曩者一聞金鼓卽相對無人色遂致萑苻夜警子婦抱頭豈眞承平久而脩弛良由訓練疎而弱積志武節謂所以作其氣者當何如哉而勇於私鬪者視此亦媿焉否也

撫州府志

卷之二十三

武節

一

南唐

周敷臨川人素豪族梁太清三年侯景亂周迪起兵於南城以討賊迪素寒微衆心不附乃推敷爲主遂起兵保臨川承聖三年以敷爲寧州刺史進爵西豐縣侯鎮臨川陳天嘉元年帥兵與周迪敗王琳又斬其黨熊曇朗遷豫章太守入朝帝嘉□進爵郡公賜鼓吹一部而還三年朝廷徵周迪迪不至陰遣其□□敷敷破其衆九月與吳明徹黃法氈圍迪明年迪衆潰走五年進南豫州刺史時周迪復出東興敷擊之至定川與迪對壘迪

勢沮給敷乞盟爲廸所殺贈侍中謚曰愍

黃法氈字仲昭巴山郡新建縣人

仁卽崇縣

勁捷有勇力日行

二百里能距躍二丈頗便書疏侯景之亂聚徒衆保障太守賀詡下江州法氈監知郡事將兵援陳武帝元帝承制授交州刺史領新淦縣令封巴山縣子敬帝卽位改封新建縣侯太平元年割江西四縣置高州以法氈爲刺史鎮巴山會蕭勃遣歐陽頎來攻法氈破之陳永定二年王琳遣李欽樊猛余孝頃攻周廸法氈援廸擒欽等三將進號宣義將軍又以拒王琳授平南將軍開

撫州府志

卷之二十三

武節

二

府儀同三司天嘉三年以攻殺熊曇朗平周廸進爵爲公大建五年大舉北伐法氈爲都督出歷陽置砲車及步航以逼之進師合淝齊人望旌降以功加侍中封義陽郡公徙南豫州刺史鎮壽陽卒贈司空謚曰威弟法慈法惠陳時相繼爲巴山太守

宋

郭若虛字仁實崇仁人讀書通大義重然諾急義輕財建炎初金入江西別將遣其部四掠若虛率鄉社格之七里岡梟其首將衆怒復來攻若虛復率鄉社逆鬪于會

原嶺兩晝夜若虛及鄉社死者七人金兵喪亡無數又爲俘所紿謂距縣遠列寨多比屋皆兵人白爲戰北兵懼而遁邑免于寇仁實力也

胥作霖字澤仁宜黃人儀狀豐偉嘗遊太學不遇紹興初盜據臨川里中惡少年欲往附之霖諭以禍福且周其急後官軍大至盜奔建昌搜捕餘黨磔於城上無一免者少年感謝曰活我者胥君未幾王世雄擁衆數萬寇崇仁掠宜黃境霖合丁壯伐木以塞隘口伺賊至則披髮持挺鼓噪而出世雄知不可犯一夕引去事聞署本

撫州府志

卷之二十三

武節

三

縣尉不就舍傍植竹葺園亭觴詠自適從尙書孫覲遊觀爲作竹亭詩序以紀之

葛賡字德載金谿人剛塊有謀建炎間金兵將至郡城賡善用長戈帥保社敢勇士拒之金兵退舍王世雄叛卒繼至衆皆洵懼賊有髯而騎者揮刀持突而前賡投戈擲之墮馬賊驚潰獲其正使告身鄉人欲上其事賡曰吾志於除賊無意論功有司亦莫省後以子貴封宣義郎賜緋衣銀魚子逢時字才美登乾道五年第授西安丞星子令僉書清海軍象山先生嘗曰予造郡庠有二

士並立稍相睥睨一年少傲岸仰面而出一低面恭謹翼翼趨庭乃美才也問之齒出吾上遠甚

楊揆字純父臨川人少能詞賦用薦叅淮闔杜杲幕治法征謀多咨於揆逾年安豐被兵揆慨然請行乃以奇策解圍奏補七官揆念置身行伍間騎射所當工夜以青布籍地乘生馬以躍初過三尺次五尺至一丈數閃跌不顧制置使孟珙辟於幕嘗用其策目爲小子房與以茶局周其資用揆糜費數萬賈似道稽數責償珙以白金代揆償揆又散之賓客酣歌不顧似道欲殺之揆曰

撫州府志

卷之二十三

武節 四

□

漢高祖以黃金四萬觔付陳平不問出入公乃顧此區區不以結豪傑之心耶似道始寘之珙嘗燕客有將校語不遜命斬之揆從容曰斬之誠是第方會客廣謀議非其時也珙大服末幾謝絕賓客治進士業遂登第調麻城尉向士璧守黃州檄入幕尋以戰功陞三官無何得心疾曰我不可用矣遂調潭州節度推官趙葵爲荆湖制置使揆與偕行王登迓於沙市極談至夜分揆退曰王景宋滿身是膽惜欠沉細如揆副之何事不可爲但恐終以勇敗後登死人以爲知言逾時士璧守峽州

招之病不果行而卒贈架閣

鄧雱字子釋金谿人建炎之亂郡邑知雱壯銳檄爲都統領傅安潛副之訓練鄉勇二千餘人楊次山軍叛遣王世雄攻郡郡檄雱解圍戰於城南斬首千餘建炎二年四月潰卒桂中立掠饒雱援勦奏捷六日苗冨攻建昌聞雱至卽宵遁十一月賊犯郡盡殲之四年大盜楊惟中亂時奉詔募兵無一應者雱慷慨受命斬獍將龐正俘惟忠五月王九二曾和尚等掠貴溪十一月李端仁攻宜黃悉討平之紹興元年擊潘逵于仙巖馘渠魁劉

撫州府志

卷之二十三

武節 五

仲玉

四劉五擒李斯成王大尉郡賴以全皆雱與傅安潛之力績聞各晉秩文階以示褒異謝枋得爲作忠義社傳傅安潛字顯夫金谿人琴山先生六世祖建炎間與鄧雱同結寨於韓婆鄧以椎牛誇示拳勇潛以五指撚竹爲薪不藉斧析至今相傳韓婆產竹脆而可揉其遺跡也潛所勇鬪立功槩同鄧社年八十有二奉召入京猶躍馬揮戈稱爲躩躩時潛無子以甥黃根爲繼根年十八亦救父於重圍後潛遺腹子植根撫之植長而根歸祖李天勇字致弘臨川人嘗從謝枋得學爲人尙忠義遇鄉

里有急難輒纓冠往救德祐元年元將武良弼攻饒州
枋得檄天勇援之統強壯兼行至饒與良弼大戰于樂
湖坪衆寡不敵同張孝忠俱死

王道翁崇仁人慷慨有大節初授安陸丞不就構室浮丘
山奉母以居時南村上舍張達翁有僕胥任與張仲四
僕五二強悍爭衡五二密誘贛寇蔡九五曾栢三夜劫
王喬仙童二砦殺達翁收其財物達妻李氏抱男宗紹
依於道翁會文天祥勤王乃率其子弟及鄉勇千人應
募遂乘機破栢三寨追擒五二文聞之舉翁爲義兵總
撫州府志

卷之二十三

武節 六

仲玉

管翁率其子伯高會兵興國進勦蔡賊未幾元兵南下
天祥北行翁散其餘兵悲憤而卒

元

俞元良字賡廷東鄉人智勇尙義至正壬辰之亂與侄致
明等糾鄉衆以衛郡城總帥王溥聞其名募生得之被
執命賦梅花詩良援筆立就曰疎葢尙含憔悴色橫枝
終帶倔疆心嶺頭驛使如相問春色依然雪滿林溥知
其不爲用殺之

趙均保臨川人至正壬辰間寇逼郡城完者帖木兒章益

謙等守撫州兵疲援絕幾挫陷木古柄倡義於內均保與陳德輝倡義於外散家財訓丁壯設計防禦於是東鄉諸義復相率佐之均保既平金雞乃提兵與完者帖木兒破明水湓塘諸賊帖木兒署古柄爲廂官行省以便宜累擢均保廣東宣慰司同知副都元帥時江西諸路皆陷焚掠殆盡獨撫州得免於難諸義之力也

曹孟仁宐黃人至正壬辰之亂弟仲雍舉義旌壓孤嶺深入爲賊所殺孟仁盡用其產以募丁壯列賞格於軍前歸卽取金帛次第給散至解婦女簪珥益之無少靳舉

撫州府志

卷之二十三

武節 七

太

家日再啜粥有不堪者則曰積升斗以享士亦爲若輩耳喪亂之日少而安樂之日多則飽煖之日多而饑寒之日少也脫賊至雖有粟可得而食諸由是人樂爲用前後破賊無筭後縣失守乃盡以其餘貲予麾下人而去涂幾高其義爲之傳

鄧烈字季謨金谿人舉進士不第至正壬辰之寇谿受禍最酷烈族人思誠憤曰寇盜蜂起吾家世忠義詎其爲賊制耶烈慷慨請行或慮其少烈曰吾以一當百何用多爲時賊雖踞縣城而列寨於城外烈焚其二復與其

徒乘勢深入俄而賊大集烈引刀斃其隊長一人賊見其寡且乏援併力與戰殺之思誠字信甫嘗錄其先烈名曰精忠以訓其家謝枋得爲之傳曰信甫忠勇有遠略若居邊鄙祖士雅之功可復許乎亦曰充是心而已誠積而動遠義精而用誠也枋得以上命勸率豪傑知二社已久後必將有列其名於大宋忠義傳者

鄧石字汝貞烈族子驍勇絕倫邑簿買住合義師攻賊于白沙推石爲先鋒石疾作不欲行衆擁之去白沙寇最强石戰捷奪龜岡追奔二十里孤兵無援伏兵四起石

撫州府志

卷之二十三

武節 八

太

死焉邑令葛元喆哀之爲立傳

符良卿宜黃人元末紅巾賊起江西諸路不奉除授競依豪傑結寨禦寇良卿爲本邑推戴時明太祖定江南有詔招諭所在豪傑良卿心切歸附途梗不得達會陳友諒遣將掠撫州堅守不貳食盡兵疲中流矢賊取其首而去民高其義以香木刻首全屍塋之至今人呼其隴爲賠頭山

陳德輝東鄉人至正壬辰之亂輝與龍岡趙君祥洙塘高原達橫路何子英何君用白玕李壽卿橫山俞夢良西

坪李大虛宗元傑艾以忠等倡首舉義輝復與俞致明率強壯度賊壘走弋陽迎丞相懿璘眞班進駐安仁攻破進賢賊而撫州與洪都聲援始通行省以便宜授輝本路推官趙伯明伯載等俱各授官有差

明

何奇字子美東鄉人讀書粗知大義富而好施正德初東鄉盜起里人多賂賊以求免奇力請於官欲乘其可制而圖之不聽已賊勢大震臨川令龍誥督兵以行奇集鄉勇策應會賊衆猝至兵敗正叢戟趨龍龍以手麾衆

撫州府志

卷之二十三

武節 九

甫

曰吾義當死汝等姑避其鋒奇抱龍大呼曰此邑父母也吾實強之來寧殺我賊遂殺奇而龍得釋

元欽達崇仁人唐令元子哲之後練達有力勇於爲義正德初盜起欽達請於部使率衆堵勦鄉賴以安庚午饒州姚原盜發授達百夫長命領民兵格之九月次梁山坂值雨雪泥淖歷十旬不得達壯士死亡過半十二月賊突犯營兵潰獨欽達與其僮僕斬賊首十餘級久之援兵不至與千戶其皆死之事聞總兵董叅政朴爲之歿悼致祭於其家御史吳鉞表其墓

饒理字朝幹臨川人勇敢好義善射援例入國學正德辛未歸省值盜起監司辟佐縣令龍誥督民兵薄賊巢次於何坊賊猝至衆鳥獸散獨理奮怒射賊數人賊併力攻之攢刃雨集而手彎弓不釋理無子以兄子治入繼撫按上於朝錄其子爲藩司掾仕至縣丞理牲剛直幼獷戾比長知學淑於古訓使不罹難其造就未可量也陳太東鄉人正德五年賊魁樂庚二等探知官軍且至乃悉衆攻麻陂寨太初拒之甚堅自辰至申力屈被執賊曰汝殺我七人今能爲吾用卽貸汝死太奮罵賊怒鬻

之時有江廣五者被創甚腸出腹外猶藉以稻草力戰而死又有陳施五者突圍而出手刃數人奪其馬乘之以走馬橋寨之死者則趙佑趙順樂英以寡禦衆而不敵也吳坊寨之死者則能舉三百斤之王茂十九黎墟寨之死者則王倫十王驥五王原十三及生員王沛九也浯溪王恕十一坑西夏鐸十一黎墟王椿則與何奇同力衛龍縣官而死也至庚二初發難時復有魏勝廿二廿八宗岳六陳挺三李庚九等皆首與賊抗雖不勝賊然而壯矣

曾時諒劉傑二皆臨川人正德初所在蜂起饒州姚源賊南昌華林賊與東鄉賊爲最熾其西北與豐城接壤處又有湓塘之寇朝命大臣將廣西狼土官兵討之會東鄉復以先撫後叛奏聞及命下所調狼兵已至守臣欲先攻饒南二寨惟分守徐公識先撫然湓塘視東鄉爲稍瑕兵法攻瑕則堅者瑕請先湓塘賊制闖從其策仍委龍令以民兵嘗之龍懲東鄉之敗廉得時諒傑二密與定計令密約鄉兵爲援初諒被鈎致家人惶惑莫知所爲諒出謾慰以他語自是數入或夜分始出妻孥叩

之終秘不語及致期舉事俘斬三百餘級薤蕪殆盡時諒之力爲多制闖遂乘勝討平東鄉始信攻瑕之策然時諒布衣慎密不出以成公事口不言功身不受賞其過人遠矣

何湛六崇仁人力能搏虎正德十六年宸濠餘孽流劫郡縣六月間僞爲客舟至崇日午突入縣治縱火扼要路縛邑丞撻幾死罄掠庫藏時黃州橋燬湛六統精銳十餘人持刃渡水奮斬守門賊呼躍而前所遇輒披靡無敢敵者一賊伏隘巷槩湛遂遇害已而四外圍攻生擒

賊首七人斬二十四人皆湛六爲之倡撫按藩臬聞而義之會督學使至郡爲文以祭且給資助塋

謝勅字顛吾撫守禦千戶也勇而多智嘉靖間寇掠宜黃督撫胡公檄令督兵聲援比至宜城已陷勅分兵擊賊斬獲頗多自辰至未兵寡且疲困垓中死事聞贈指揮同知世襲奉旨建褒忠祠時有鄭剪蜚者河南亡盜也緝繫於臨川獄寇陷宜黃獄囚乘機欲叛以蜚特驍勇密與謀蜚固不可會有議以立功贖罪者蜚請自効官出之嘗夜從竇中殺賊得其衣服之入營賊不能辨累

撫州府志

卷之二十三

武節 十二

王太

斬首數百級督府胡公疏薦獲釋

陳信字仰高東鄉人巨首環目促項虬髯幼與群兒戲搗挺格鬪奮臂一呼群兒盡仆一兒中挺幾斃父惡之欲寘之死季父馳救得免弱冠從戎隨總帥鄧子龍征關白一日營壘未定叅戎傅良橋出哨遇白驍將於途窮迫不已傅瀕危信望之躍馬橫刀直取其首前後殲馘累百計功授百夫長尋奉調征播播故在萬山中信登高入險獨以身先播平大將軍劉綎薦之晉千戶世襲饒州所未幾復征緬緬多駕象馬遇輒蹶信以利刀中

象鼻象還走踐踏無筭賴以成功陞建昌府把總再遷
康山守備蠡湖故盜窟聞信至斂跡晉遊擊將軍守後
禁門門所出入皆璫貴信鄙野不爲禮璫惡之遂稱病
歸計信功累數百而所錄上司馬門者十不得一官蔭
皆不酬勳公論惜焉

陳球六樂安人與張俊五陳香四唐大老羅典華同里皆
隻手能提二百餘觔可疾趨二十餘里號五傑嘗設誓
生死必偕崇禎五年五月汀韶流寇數千越贛踰吉攻
永豐入樂安界時變起倉卒民不知兵賊所經處如入

撫州府志

卷之二十三

武節 十三

王

無人先是探報至郡官遣騎兵百人委千戶司某督勦
比失利賊愈熾掠南坑富田逼前團球六集鄉勇三百
扼小嶺隘賊初至球六射旗手三人稍却已再合殺十
餘人已更合又殺十餘人賊怒悉衆趨球球死之後五
等皆裂橫衝賊陣應手卽斃久之衆寡不敵僅存興華
華曰吾何顏獨生也力戰皆死賊橫屍遍野所遺賊口
無筭夜拔寨趨崇仁東塘坳斜掠而南不敢窺樂五傑
死知與不知莫不淚下邑人築祠祀之大中丞解公製
文祭之太守蔡公躬拜其墓墓合塋五人

超世傑字忠甫臨川武庠也善丈八長鎗與衆角技時嘗置小鐵環於竿首如錢大高三尺許傑從百步外使鎗飛舞而至目未嘗注視鎗端皆入環中無一爽者崇禎壬申五月流寇自崇入宜分隊四掠巡道王公維夔署傑爲前鋒教師劉德安熊飛偕往宜丞胡鴻賓與爲聲援官民兵不五百遇賊於霍源賊中傑鎗斃者三十餘人會鴻賓負傷兄鴻德往救爲賊所殺衆稍亂傑大呼率衆追至務山峰高徑曲不利用鎗死焉時盛夏暴露數日家人往殮面如生同日死事四十餘人宜立義勇

廟合祀中丞解公並祭之

黃朝聘字時舉金谿人萬曆戊子與弟朝選名舉文武鄉試聘甲午再舉武解元戊戌成進士授湖廣清鎮司守備隨都督陳倫征川擒楊七兒斬首二十餘級功晉浙江都司督理漕務屯局壬子入賀賜宴賜鈔陞廣東都司使詩平黎冠陞潮漳副總兵柳州徭僮變奉調進勦事平會推蘓松備倭總兵兼都督僉事本鎮右連孟河東界圖山海寇縱橫蹂躪及瓜鎮聘出汛海上經年殲捕無筭兵部尚書會同撫按特薦賜蟒玉陞寧夏總兵

官掛征西將軍印兼後軍都督同知告病奉旨病痊起
用未幾卒

李光甲號我修東鄉人力換三百鈞聲響如雷大喝令人
震怖耦射時獨立的旁能以手橫奪飛矢崇禎初簡將
材郡以甲應耻不就尋登武榜壬申流寇作與邑令王
揚基商酌守禦王重之同誓許國會王超擢楚撫具疏
特薦癸未冬闖遣老回回逼襄陽基馳檄卽家起之率
所善二百餘人疾赴十二月望抵襄所向不敢敵賊數
萬駭去圍解中有忌者復檄使援穀城甲欣然願行以

穀令爲李大覺也至則城陷而大覺死值大雪兩日不
得食賊併力圍甲數匝二百餘人皆戰歿無一降者事
聞基哭之慟奏請卹贈以厲忠義襄人立廟祀之基仍
咨江省撫按轉檄郡守陳肇英建祠於峴臺之北並祀
穀令李大覺於其中顏曰忠烈